

欽定剿平三省邪匪方略

欽定剿平三省邪匪方略正編卷三百一

壬戌年

二月十九日

庚申

德楞泰奏言竊

臣

前由巫山之

馬埡口將陳逆五號合夥賊匪分路兜剿該逆

輾轉於巫山奉節大寧山中疊被擒斬只存五

六百人始向七星壩乾溪口連夜西逃

臣

卽分

兵西追令豐紳武隆阿等帶兵由北面之上高

坪遏其入山之路

臣

督同達勒精阿色爾滾馬

瑜等躡蹤前進該逆畏懼軍威不分晝夜不由

正路總向大山茂林翻越希圖繞進老山均被

官兵截住初六日未刻臣趕至大崖屋地方探

得該逆因在公坪掠食相距不遠臣卽督同達

勒精阿色爾滾馬瑜等帶領兵勇飛馳而進翻

上山梁見各逆在彼炊爨逆衆遙見官兵直下

山梁吶喊先逃馬隊疾驅追至四五里始及其

尾鎗前齊發立斃賊五六十名生擒謝國材等
十六名仍復力追二十餘里沿途殺賊二三十
名生擒葛時茂等七名餘匪向北海壩西遁天
色已晚未便再進訊明謝國材等五名卽係本
地被擄居民其餘均係戰手一概正法初七日
豐紳等帶兵至椿樹灣地方據該處寨民鄭發
先等報稱有零匪七八十人在此一帶擄掠瞥

見官兵到來已進林內躲藏豐紳與武隆阿將
兵勇分爲數路進林搜剿該匪四散奔逃經兵
勇趕殺斃賊三十餘名生擒徐達先等十七名
當經訊係老賊立即梟示初八日午刻抵凍綠
壩探報右手白臘槽謝家溝有西來零匪六十
餘人臣當令豐紳馬瑜等分帶步兵前往搜捕
旋據呈繳耳級二十七副活賊彭繼祖等二十

一名餘匪向雪陽之蘭溪逸去訊係白號打散
餘匪欲尋另股合夥俱係從賊日久殺人放火
者當卽斬訖嗣探陳逆等知官兵竭力窮追日
行七八十里捨命狂奔由高陽過河向梁山萬
縣西逃又探得有自開縣竄來零匪二百餘人
已入奉節境內又據夔州府及巫山縣文武稟
報巴東巫山交界江邊之萬流一帶有賊匪一

起又巫山之竹笆堡石羅溪地方另有一起賊
匪藏匿又巴東之大花巖亦有賊匪一起各逆
時或逼近江岸時或進山擄掠往來總在巴巫
之間已嚴飭文武密爲隄防等情

臣

查陳自得

五號餘匪雖擒剿無幾而被我兵追截沿途逃
散者實多故現在只剩三百餘人已向萬縣西
竄勒保賽冲阿業於初五日會合後帶兵由開

縣一帶東來探剿臣再四思維現在賊勢實與

從前迥異若臣卽西進窮追縱令該逆奔逃愈

速自可趕辦剿除然而巴巫界上又形空虛倘

各逆聚而成股逼臨江岸日久無兵剿辦所關

尤爲重大是以臣遂卽東折巫山一帶迎剿陳

逆股匪亦可就近探剿湖北各逆並寄知勒保

等凡有東來之賊臣均可兼顧倘賊匪西去勒

保等卽當隨時迎剿是臣拒據其東勒保等遊

兵於雲萬之間又極爲聯絡庶兵馬不致徒勞

於事實爲有神臣卽於初九日由雲陽之磁坪

取道巫夔東下沿途復分派將弁四五路各帶

兵勇二三百名改裝換形隨處遍山搜捕臣亦

督率豐紳達勒精阿色爾滾武隆阿馬瑜等由

中心壩自北面江岸之東洋子龍洞王家梁朱

家三壩一帶搜剿於十一日兵抵夔州府之下
關城連日分兵搜捕每日獲賊數名或十數名
不等均係正賊隨時辦理

同日勒保賽冲阿奏言竊

臣

賽冲阿帶領官兵

先向開萬一路探賊剿辦

臣

勒保將大竹奸匪

查辦完竣後亦督兵繼進並派總兵張志林分

帶兵勇向新寧東鄉一帶搜捕零匪初二日

臣

賽沖阿正向開縣進發探得有賊匪一股已從
開縣竄向萬縣之蝦蟆石八角坎等處滋擾卽
帶兵向萬縣星馳前進詎賊匪聞有官兵前來
卽從萬縣折回向梁山奔竄官兵探蹤緊躡其
時臣勤保正從大竹起程向開萬一路進發初
三日到萬縣途次探有賊股已從萬縣向梁山
竄去卽改道赴梁山截擊該匪知兩路俱有官

兵兇截遂遁入梁山所屬之栢林漕臣勒保督

同侍衛花品塔什拉副將倭星額遊擊陳龍驤

門繼春守備葛天培等帶兵探蹤剿捕初五日

陳龍驤葛天培帶領前隊兵勇先抵該境見山

梁有賊數十人陳龍驤卽率兵勇登山擒捕忽

山後突出賊眾四五百人佔踞山梁恃險抗拒

向下拋擲石塊如雨把總孟國卿奮勇當先額

受石傷仍帶兵冒險直上葛天培亦率兵勇繼
進儘力仰攻正在相持間適臣勒保督同花品

塔什拉倭星額等趕到臣賽冲阿與溫春帶同

侍衛富森德協領明德穆騰額佐領達春等率

領馬隊前來總兵蒲尙佐帶同叅將李東山馬

元沈洪等率領步隊亦至正值前隊官兵與賊

匪相持各路馬步官兵卽一擁而進賊匪見官

兵先後踵至始大形驚潰四路逃竄_臣等當卽

派兵分投跟剿由白陽硎圖覺寺亮風垵等處
翻過數重大山追剿百餘里直至黃印濠地方
共殲斃賊七十餘名滾崖跌斃者四十餘名生
擒男婦七十一名口奪獲賊旗刀矛騾馬甚多
當將活賊劉芳鑑等查訊據供此股係白號餘
賊賊首僞總兵宋國品上年冬間在川北被官

兵擊散逃入老林內近從開縣竄出想湊合別
股人偷過嘉陵江到川西地方搶掠纔到萬縣
地界見有官兵卽改向梁山奔竄不想逃到栢
林槽地方四路大兵趕來追殺將我等擒住宋
總兵不知逃往何處等語當將各犯審明所有
從賊日久之戰手劉方鑑等四十五名卽行正
法其餘被脅難民李大發等及婦女幼童共二

十六名口發交梁山縣查明原籍送回安插其
張志林一路官兵向新寧達州一帶探剿賊匪
初二日午刻行至達州所屬之六水橋據寨民
報稱有賊匪一股纔由東鄉竄入在蓮花菴地
方滋擾張志林隨即探蹤迎剿賊匪從檀木場
蜂擁而來約有二三百人張志林當即派遊擊
鄔海慶都司畢萬年帶兵由方手山梁截殺遊

擊唐際盛守備吳芝秀由左手順河逼剿張志
林親帶遊擊夏雲龍守備周士貴迎頭截擊該
匪猝遇官兵卽折回原路竄張志林等督兵
緊躡追擊直趕至觀音山地方沿途殺斃賊匪
六十餘名跌斃賊十餘名生擒六十五名奪獲
賊旗鎗矛騾馬無數我兵追賊計程六七十里
餘匪被剿四竄天色已晚難以窮追當將官兵

暫紮查訊活賊內有詹文明一名係在達州與
徐添德同時起事之犯現在賊營充當旗手又
據供有胡旗手一名亦係積年老賊本日被官
兵殺死其餘被擒活賊均係戰手張志林當派
弁兵將所獲各犯就近解交新寧縣收管聽候
審辦張志林仍帶領官兵由檀木場龍王堂一
帶探明餘匪奔竄去向跟蹤進剿以期淨盡至

臣等在柏林漕剿敗之賊連夜窮竄已由墊江

鄰水一帶奔逸有向廣安之勢此股賊匪約剩

三百餘人爲數雖屬無多但所至皆係腹地易

於裹脅且若竄過渠河卽逼近嘉陵江岸必需

趕緊殲淨臣賽冲阿帶兵向大竹取道兜擊派

令蒲尙佐帶領叅將馬元沈洪遊擊賀廷印分

兵由鄰水取道追剿臣勒保帶兵繼進策應以

冀卽日殲除所有此次兩路官兵打仗共陣亡
受傷兵勇十餘名另容照例咨部辦理查此時
川東賊匪零星四竄理應派兵多路分投剿辦

但臣勒保一路原本有兵勇六千餘名上年十

月間在馬家營追剿湯劉股匪分出薛大烈一

路帶去兵勇四千餘名數月來總在老林剿賊

此時又追剿苟文明過陝未能歸隊臣勒保現

僅帶兵勇二千餘名臣賽沖阿在叅贊德楞泰

一路分出亦僅帶兵一千六七百名是臣等兩

路兵勇共不過四千餘名臣勒保現又分出張

志林一路帶去兵勇一千五六百名前赴東鄉

一帶搜捕餘匪目下臣勒保賽沖阿所帶兵勇

共止有二千餘名不便再爲分撥惟有儘此兵

力四路偵探賊蹤設法兜截殲除不敢稍留遺

孽至薛大烈張績等追剿苟逆股匪入陝近聞
該匪被剿情急搶過漢江北岸經畧額勒登保
親往督兵剿辦賊勢已經殘敗諒可卽日殲除
叅贊德楞泰現在巫山剿辦零匪前此總兵吉
林泰孫清元由楚追剿賊匪至巫山地界旋即
兜截回楚並未深入川境臣勒保現接德楞泰
來信以此時楚省賊勢較衆擬將巫山零匪辦

淨後卽行督兵過楚其田朝貴一路在川北剿辦張魏餘匪因其兵力較單

臣

勒保前已添派

遊擊羅思舉帶隨征鄉勇一千餘名前往協剿

近接額勒登保來信亦派副將蕭福祿索將朱

槐等帶兵二千餘名協同田朝貴在川北剿賊

計該路兵勇共有五千餘名儘可敷用近又接

德楞泰來信亦慮田朝貴一路兵單擬將

臣

賽

沖阿所帶官兵撥赴川北今田朝貴一路兵勇
已多自可毋庸

臣

賽沖阿前往助剿再據建昌

道劉清寧遠府知府德福等稟稱該道府等在
川北辦理團練適李彬殘匪竄入南江之鐵廠
坪經委員等帶領軍功鄉勇奮力截擊殲斃賊
匪多名並將首逆李彬及辛聰之弟辛文擒獲
現在解赴巴州聽候審辦俟查訊確實另行具

奏均奏入

上命軍機大臣傳諭德楞泰勒保曰此次德楞泰追剿陳逆五號合夥餘匪殲獲無多適勒保賽冲阿由開縣一帶東來德楞泰卽令其就近迎剿伊卽帶兵取道夔巫東下搜捕零星竄匪看此情形德楞泰自因陳逆五股餘匪奔竄已遠不能追及故爾委之勒保等剿辦與前次苟逆入陝德楞泰未

及趕上以巫山奉節等處散竄賊匪較多爲詞舍
苟逆而前赴川東前後如出一轍此朕就伊所奏
情節平心靜氣體察而得並非臆度也現在德楞
泰旣往巫山一帶所有川東各股零匪卽責成德
楞泰專剿固不得令其竄往川北尤不可使之闌
入楚境務須卽在川東地方悉數殄除毋得一誤
再誤遷延推諉致干咎戾至摺內稱巴東巫山等

處又有三起賊匪或逼近江岸或進山擄掠已飭
文武密爲提防等語此三起賊匪究有幾百幾千
並未敘明珠爲含混並着查明具奏又據勒保奏
現在川北賊匪敗殘四竄卽魏張賊股亦不過零
星餘匪勒保現已派令羅思與幫同田朝貴剿辦
又經額勒登保派令蕭福祿未槐協剿共有兵五
千餘名兵力數倍於賊自可卽日殲除勒保當上

緊督催一經剿淨卽迅速馳奏前已降旨將川楚
陝竄匪交額勒登保德楞泰勒保吳熊光等分界
剿辦以專責成今四川一省又分爲兩路川東令
德楞泰督剿川北令勒保督剿分派兵力各辦各
賊不必兼顧俟一處辦竣後再以得勝兵力彼此
幫辦更易葢事但不可互相推諉總以實心實力
加緊剿捕切勿稍存取巧見長之見目下川省賊

數無多尤不值以大隊官兵跟蹤追躡德楞泰勒保惟當亟思變計或分派將領四處剿捕或改裝易服隨處緝訪德楞泰係成都將軍勒保係四川總督惟當各擇一適中要隘地方駐劄以逸待勞督率剿辦庶官兵不至奔走疲乏再賊匪屢經招撫而投出者甚屬寥寥人情莫不愛生惡死何以賊匪轉欲自蹈死地其故殊不可解其中或有別

情德悞泰勒保不妨據實密奏又勒保摺內稱拏
獲活賊劉芳鑑供稱賊首偽總兵宋國品本係白
號餘黨上年冬間在川北被官兵擊散逃入老林
內近從開縣竄出要懇湊合別股偷過嘉陵江到
川西地方搶掠等語此股賊匪自去冬卽潛伏老
林何以以此數月內地方官竟毫無聞見並不稟報
剿辦直至近日春和始聽其竄逸出山肆行搶掠

着勒保卽查明該逆所匿老林究係在何州縣所
管地方在地方官畏懼處分自必飾詞推諉應卽
訊之現獲賊匪令其一一指實卽將該州縣指名
嚴叅以示懲儆

同日吳熊光奏言查楚省境內前次僅有王會
一股在興巴一帶往來奔竄人數稍衆係總兵
孫清元吉林泰帶兵剿辦其餘房竹南山潛匿

零匪係全保長齡分投搜剿自去冬以來節次
殲擒已就廓清其王曾股匪前經孫清元等追
剿入川後興巴一帶亦已無賊迨正月二十一
二十五等日接據孫清元等稟報王曾二逆糾
合川東各股零匪人數增多乘間折回並於歸
州走馬嶺地方接仗得勝並聞川東寧巫一帶
伏匿餘匪爲數不少惟恐叅贊德楞泰自西而

來各賊畏其聲勢必致紛紛東竄與巴等處勢更著重是以全保長齡先後各赴該處合剿以收夾擊之效嗣接全保長齡來信知行至興山境內探得王曾股匪經孫清元等剿敗後竄至巴東因聞川省寧巫新到大兵該匪等不擇路徑晝夜狂奔由興山之榛子樹嶺向東北奔竄全保長齡慮其擾及南漳遠安等境各帶官兵

抄赴東北一帶遏其去路孫清元吉林泰緊躡
前進所裹難民沿途逃出甚多賊勢似已窘蹙
全保長齡與該鎮等三路兜圍自可夾擊痛殲
惟前據興山縣稟報另有賊匪一股竄至該縣
之豐玉坪臣恐係王曾分股爲牽掣官兵之計
是以札囑全保長齡於道過興山時酌分兵力
截其東竄先以大兵專注王曾股匪勿墮賊奸

計連日接據探報此股賊匪尙在七連坪南陽
河山內遊奕並據逃出難民云賊營內係陳姓
管事向在川東地方屯聚掠食正月初間隨王
曾股匪竄入湖北因陳姓與曾芝秀不睦又各
自逃至興山之內希圖搶掠等語臣伏查楚省
兵力本不及川陝三分之一而邊境道路綿長
堵剿實難兼顧且自去年春夏以後賊總以老

林爲窟穴不出大路行走若復照前於各關隘
駐兵未免虛設徒糜鹽糧是以臣前經奏明將
無益邊卡兵勇一併裁撤集兵三路無分畛域
遇賊卽剿昨因房竹西南二面尙屬寧靜是以
全保長齡俱赴南路台剿王曾各股以期迅速
肅事今陳逆旣分股竄擾且七連坪一帶與房
保山徑在在可通又不得不分兵躡剿以免聚

脅蔓延

臣

已飛信知會全保長齡酌量情形先

分一人帶領官兵卽赴西路七連坪一帶專辦

陳逆一股仍留一人帶領官兵督同孫清元吉

林泰等將王曾各股相機夾擊趕緊辦理至西

面竹谿一路近有陝省剿敗零匪數十人或一

二百人翻越老林竄入邊境

臣

因無兵可派當

令守備鄧興相把總張朝鳴帶領鄉勇五百名

並令竹谿營遊擊敖世俊抽撥在城兵勇帶領
前往賊竄處所協同各寨義勇隨地截剿日來
節據鄧興相等稟報均有擒斬現仍飭令實力
搜捕務絕根株以靖地方奏入

上命軍機大臣傳諭吳熊光全保長齡曰吳熊光在
房竹一帶駐紮其與山股匪係全保長齡帶兵前
往抄截現據奏稱孫清元吉林泰緊躡賊匪難民

逃出甚多是賊匪勢已窘蹙官兵自應早得勝仗
何以尙未據全保等奏到至所奏興山另有賊匪
一股在七連坪一帶遊奕與房保山徑在在可通
不得不分兵躡剿吳熊光現在咨令全保長齡酌
量先分一人帶兵專辦等語自應如此辦理全保
長齡等總當將此兩處奔竄餘匪就地殲除勿留
餘孽不得以驅逐出境卽爲了事其西面竹谿一

路零匪爲數不多自係陝省剿敗之賊吳熊光派
令守備鄧興相等帶鄉勇五百名並令遊擊敖世
俊抽撥在城兵勇前往搜捕諒已足敷剿辦應飭
令上緊搜淨務絕根株並著查明此股賊匪究係
何逆遇便奏聞至湖北現在已無大股之賊但興
山房竹一帶與川境邊界在在毗連難保無餘匪
竄入該處深山老林爲賊匪奔竄熟徑且現在俱

雙三才卷之三
三
不過數十人一二百人分合無定實不值以大隊官兵往來追擊況賊匪遇官兵追急則晝夜狂竄不知所往及去官兵稍遠又隨處休息且乘間仍可以褻脅百姓佔住民房及至官兵躡探到來又復四竄是賊逸兵勞主客異勢官軍豈不疲於奔命揆之現在情形不可不思變通之法朕意或於賊匪奔竄所在擇其緊要地方以大兵駐劄扼其

奔竄之路其零星四散之賊或派令將弁前往跟
追或令兵勇等假扮教匪隨地擒殺使賊匪無路
奔逃自投絕地方爲以逸待勞著吳熊光等酌量
邊界情形妥爲籌辦至此時兵盛賊衰其零星餘
匪自當以搜捕爲主但前此節次降旨招撫各地
方大吏已早應實力奉行何至賊匪當此窮蹙之
餘猶復鋌而走險朕求其故而不得深以爲愧豈

賊匪另有萬不得已之苦情耶並著吳熊光等詳細查明設有別情不妨據實密奏

二十一日壬戌惠齡長麟奏言查荷宋二逆由景

峪腦翻山直向東奔將出澗峪臣等卽星馳趕

至澗峪口堵截適總兵薛大烈張績等亦帶兵

抄至賊匪東面該匪等又復折回西北有出田

峪之勢臣等亦卽折回田峪堵截該匪等見北

面處處有兵卽山南面銀硎溝桃園子一帶鑽
入老林薛大烈並續帶領兵勇緊躡賊蹤相距
已不甚遠臣等恐該匪又由別路逃遁亦由乾

峪景峪撥兵入山在東西兩面堵截俾賊匪不
能分竄薛大烈並續卽於十三日未刻趕抵桃
園子督率兵勇直前衝殺斃賊三十餘名生擒
四名賊匪紛紛翻上圓嶺山老林堆放木石憑

高抵拒官兵正在奮力仰攻忽聞後路鎗礮之聲據報另有賊匪四五百人由山溝突出抄截我兵後路經遊擊晉之璉都司羅瑛等帶領後隊護衛鍋帳兵勇與賊對敵薛大烈卽抽帶兵勇折回援應張績仍督率兵勇攻撲圓嶺山之賊後路賊匪知有策應卽退上連架山大梁薛大烈等督催兵勇鎗箭並施搶上半山賊匪擲

石如雨官兵因見山坡草密卽點火燒山風烈
焰熾延燒直上賊匪站立不住我兵從旁搶上
山頂賊匪滾巖逃走我兵自上壓下殺斃賊匪
五六十名生擒十一名賊匪四散潛逃其圍嶺
山之賊經張績督兵冒石仰攻鎗礮並發擊斃
賊匪多名攻至第三層山梁鎗礮愈緊賊匪不
能抵敵卽四散遁入老林計此次除滾崖跌斃

外共殺賊一百餘名生擒十五名內有偽總兵
姚青雲大旗手喬應祿二名該鎮等現在訊取
確供具報額勒登保核奏現在該匪分合未定
薛大烈張績等探明賊蹤乘勢趕緊剿辦刻下
額勒登保已由華陽牛尾河一帶自西面抄截
前來楊遇春及總兵楊芳均在東路兜剿劉逆
賊匪臣等仍緊顧北面以防該匪等被剿情急

逃竄峪外副都統慶溥抄截苟逆賊匪亦已抵
馬超鎮接奉額勒登保札知西面蘇家溝磨石
溝一帶零星匪一二百人在彼遊奕派令慶溥
督率叅將吳亨衍張汝勤等趕緊搜辦並令兼
顧棧道以防苟逆大股西竄甘省是西面亦可
無虞該匪等實已十分殘敗無難卽就剿滅奏

入

上命軍機大臣傳諭惠齡曰苟宋二逆合夥後奔向南面翻入老林經薛大烈張績督率兵勇直前衝殺維時後路又有賊匪四五百人由山溝突出抄截鍋帳薛大烈卽抽帶兵勇折回應援賊匪搶上半山經官兵痛加剿殺先後殲擒一百數十人並生擒爲總兵姚青雲大旗手喬應祿所辦甚好此次自係薛大烈張績之功現在該匪等分合無定

當飭令薛大烈等探明賊蹤緊躡追殺不可鬆懈
現在賊匪往來奔竄出入老林惠齡等相度情形
如果將賊匪逼入老林易於辦理卽當與額勒登
保等商定四面兜圍勿令逸出並於山口各峪口
嚴密堵禦以便聚而殲洗如謂轟出老林方爲得
力則當盡力跟追遏其旁竄使賊匪進退無據盡
行轟逼出山庶官兵施展得力總當堅持定見實

力辦理方可期迅速蕲功也

同日陸有仁奏言連日復據探報苟逆大股賊匪竄至鎮安邊界之小壬河米糧寺一帶經畧額勒登保督率薛大烈格布舍等分投兜截賊匪不敢東趨卽向洵陽壩一帶西竄現在逸入盤屋之老君嶺辛峪一帶額勒登保由華陽向西截擊派令薛大烈格布舍等卽自東嶽殿緊

躡賊蹤追剿並恐賊勢竄過梭西已令慶成於
沔畧一帶設兵迎截又劉永受股匪竄至孝義
屬之廟溝經楊遇春帶兵趕上殺賊三十餘名
生擒三十餘名餘匪四散奔逃楊遇春等趕緊
分投追剿又宋應伏等賊匪分爲兩股一股百
餘人經楊芳督令守備黨連陞等分路截殺殲
斃多名餘匪奔入老林潛匿一股二百餘人竄

至盤厓秦嶺板房子一帶經劉瑞韓自昌等帶
兵趕至擒殲三十餘名餘匪情急逃竄官兵分
布兜截正在痛加殲洗不意猝遇大股賊匪突
至官兵奮勇截擊副將韓自昌力戰陣亡都司
金三重亦被戕害劉瑞督同遊擊朱集方等鎗
斃並發將賊擊退賊卽竄歸一處奔赴黑河橋
等情臣查副將韓自昌卽係前次陣亡副將韓

加業之胞兄向來剿賊甚爲出力弟兄相繼捐
軀家有八旬老母其情實爲可憫

臣

已飛飭地

方官妥爲照料並傳其親屬來陝送回甘省原

籍又棧西大竹壩一帶有賊匪一股潛匿老林

慶成令都司李廷彪等帶兵剿捕未能得手李

廷彪殺賊陣亡賊匪現竄褒城之劉家河

臣

已

飛札慶成趕緊馳剿此時各路大兵朝東暮西

盡在深山老林行走糧餉尤關緊要從前南山
各寨存貯之糧因楊遇春等在山稍久供支殆
盡嗣復驟添經畧及薛大烈兩路大兵需糧更
多臣當卽飛飭石泉洋縣城固各地方官將興
安運到之糧無分遠近不惜重價僱夫背運入
山趕送大營仍一面補運各寨存糧以便官兵
到時就近供應惟是賊匪分竄靡定深林曲徑

隨地潛藏不似從前大股之賊易於探蹤趨避
運糧人夫負重過進設遇前途有警勢不得不
加意慎重繞道而進以是頗形棘手現在設法
趕運幸尙不致缺誤臣復添派道府大員分路
督催務期源源接濟奏入

上命軍機大臣傳諭陸有仁曰各路兵勇剿辦賊匪
情形均早經額勒登保等具奏惟陣亡副將韓自

昌係前次陣亡副將韓加業之胞兄家有八旬老
母其情殊爲可憫朕實不知陸有仁據實陳明所
奏尙是現已降旨加恩仍著陸有仁動支銀三百
兩派員賞賞伊母用示格外優卹至所稱大竹壩
一帶有賊匪一股潛匿老林慶成令都司李廷彪
剿捕未能得手殺賊陣亡賊匪現竄劉家河等語
李廷彪著咨部賜卹但此股賊匪究係何人是否

係川省竄匪著陸有仁查明具奏並著飛札慶成
上緊殲淨勿令蔓延

上諭內閣曰副將韓自昌剿賊陣亡前經額勒登保
奏到當卽交部賜卹茲聞伊卽係前次陣亡副將
韓加業之胞兄弟兄均沒於王事且家有八旬老
母深爲可憫韓自昌著加恩照總兵陣亡例議卹
其一切資送回籍俱官爲辦理再加賞伊母銀三

百兩並著惠齡派地方官於伊原籍官建祠堂一座賜名雙烈祠令本處地方官春秋致祭伊共有子幾人俟服闋後俱著送部引見如無子嗣卽查伊胞姪咨送以示朕優卹忠盡至意

欽定剿平三省邪匪方畧正編卷三百二

壬戌年

二月二十日

辛酉

全保長齡奏言伏查王曾股會

合樊崔戴各逆人數增添均係積猾矛手總在
萬山重疊之中往來奔竄行蹤極爲鬼域若經
官兵趕上卽翻山越嶺據險抗拒近因各處老
林聯絡堡寨難於覓食希圖逸出東路擄人掠
食情形尤爲可恨

臣

全保前在官渡一帶搜捕

餘匪接據孫清元等稟報王會各逆前於古城
剿敗後復折回興巴一帶有趨東湖遠安之勢
又據叅贊德楞泰知會已抵巫山俟將川省邊
界餘匪剿竣後卽由興巴等處入楚剿辦並囑

臣等顧住東面截剿

臣

全保當卽督同總兵德

昌王懋賞由竹山屬之官渡河兼程前進隨卽
取道保康一帶向東迎探截剿詎該匪聞風北

走^臣長齡由北峯寺抄截前來途次馬良坪會

晤商定^臣長齡由後界坪一路自西北向東兜

擊^臣全保由里隣河黃木崗兜住東路探明攔

截初七日探報該匪等有竄近霧渡河之信該

處逼近東湖遠安下可直達荆宜^臣全保躍得

捷徑由交戰垭可達霧渡河督率德昌王懋賞

三鼓發兵初八日未刻頭隊兵勇將到該處賊

匪蜂擁圍集松栢寨緣該寨存貯軍糧正在攻
撲之時我兵飛馳衝擊頓解賊圍賊匪飛竄南
面大山佔據馬鬃嶺山腰山勢險峻王懋賞率
同叅將胥泗起都司鄧洪馬驥黑達色周長泰
工有馬渭守備方雲超倪連清畢文標陸世元
等由中路搶進德昌率同叅將黃定選常羣都
司鄒宗夔達祥守備永哈布張建業賈龍圖謝

貴等由左手抄進侍衛塔津保副叅領皂祿委
營總關成驍騎校烏爾公保等率領前路馬隊
由右手抄進三路官兵奮勇爭先仰攻直上賊
衆亦分三路據險抗拒施放鎗礮連次下壓我
兵鎗擊箭射立斃賊匪五六十人並調到劈山
礮向賊衆轟打中礮滾岬者無數賊衆猶克悍
下壓王懋賞身先士卒中受矛傷力戰陣亡賊

衆拚命抵敵官兵人人奮勇胥泗起黑達色周
長泰方雲超倪聯清等直前撲進與賊攪殺一
處因地勢窄狹滾崖跌死傷亡賊匪滾崖跌死
者亦復不少陸世元與賊格鬪搶奪賊矛對扎
身受矛傷十六處皆不甚重鄧洪腮受矛傷順
手奪獲賊矛連扎斃二賊德昌塔津保等兩路
會擊仰攻奮不顧身鎗箭齊發復斃賊匪七八

十人賊衆退佔延旺壁陡崖山勢愈高愈陡該
匪恃險搖旗招集餘匪併力下壓塔津保皂祿
烏爾公保常羣鄒宗夔張建業賈龍圖謝貴等
爭先攻撲迎面格殺先後皆力戰陣亡正在喫
緊之際黑龍江水手營四品官霍隆武等帶領
後路馬隊直前衝敵連射數賊倒地內有穿豹
皮馬褂賊一名賊衆擁擠將該匪搶擡而去又

射中執大白旗一賊帶箭奔逃領催素木奈前
鋒校委官伍綳阿等在賊隊衝殺射斃者甚多
餘匪始紛紛潰逃霍隆武乘勢搶進德昌孫應
奉等一擁而上賊衆四散奔逃追殺七八里共
斃賊匪二百餘名奪獲刀矛旗幟騾馬甚多生
擒僞先鋒鄧文華大旗手徐貴黃修齊並矛手
三十七名時已昏黑不便窮追山後乘隙散出

被擄難民極多附近一帶各自回籍者難以計數其陸續來營請票回籍者共有百餘人訊據鄧文華等供稱樊人傑是老黃號因人少與王曾元帥崔宗和戴四掌櫃合夥營裏矛手有一千五六百人大小男婦共有三千餘人因官兵追殺兩次要過四川聞德將軍大兵將到翻山折回往荆門當陽一路繞過陝西昨日聞得寨

中有糧米派些矛手攻寨與官兵打仗崔宗和之叔崔貴與樊人傑同時入教衆人稱爲老師傅在前抵敵被官兵射倒滾下崖去其穿豹皮馬褂者係樊人傑兄弟樊三掌櫃被官兵射下馬來還有總兵富崗帶箭脫逃等語查獲中箭滾崖賊匪割取首級令獲賊分別指認皆稱實係崔宗和之叔崔貴當令戮屍並將僞先鋒鄧

文華大旗手徐貴黃修齊三犯立即擲割餘匪
三十七名皆是積賊一併正法偵探賊蹤折向
西南界山水月寺一路遁逃適孫清元吉林泰
由栗子坪東南抄道兜截賊即連夜西竄

臣全

保督率官兵一面跟蹤追剿一面知會長齡迎

頭截擊適

臣

長齡於初十日探得賊匪在高良

坪散漫屯紮遂連夜進兵攻其不備當派侍衛

呢瑪善察將德興等翻牛皮壩抄出高良坪之
上又派遊擊王占鰲守備麻光裕等由偏坡躍
追而進

臣

長齡督率侍衛富翰總管都當阿等

帶領馬隊隨後策應於四鼓始抵該處賊匪各
散在民房住宿四圍均有號火瞭哨零匪亦皆
熟睡毫不設備王占鰲等帶領兵勇將瞭哨之
賊先行殺斃一擁而進齊聲喊殺賊衆慌亂有

赤身跳出者有持矛挺殺者均爲兵勇立時擊斃忽有屋內十數人持矛擁一人衝出軍功李貴料是賊目一箭射倒爲衆兵勇砍斃我兵拋擲火彈燒死甚多見一賊上房吶喊招集矛手格鬪王占鰲喝令鎗兵登時打死賊衆潰散奪路奔逃比及山埡天已黎明呢瑪善等從高良坪之上截殺臣長齡督率馬隊盡力追趕共斃

賊二百五十餘名該匪翻山四散竄逃經該處
一帶寨民施放鎗礮助擊賊匪拚命捷走滾崖
落澗者無數隨即查點前後擒獲活賊七十九
名搶獲大小旗幟刀矛鳥鎗騾頭牛馬無數訊
據活賊崔元四供稱崔宗和是我哥子現在與
樊人傑王國賢曾芝秀戴四掌櫃合夥營裏都
是樊人傑管事衆稱爲老掌櫃前日要到東湖

去走到霧渡河遇見官兵截殺樊人傑之弟樊
三掌櫃並總兵富崗皆中箭傷我叔崔貴亦經
射死頭人帶傷甚多要往西南大山內躲避不
想又遇官兵等語並查訊射死之賊僉供是戴
四掌櫃軍師名楊茂林又於賊屍內指出被鎗
擊死之尙三掌櫃除將訊明矛手十四名卽行
正法並訊出實在被裹難民二十名口照例省

釋外其餘崔元四等四十五名均發興山縣朱
宗騰訊明分別辦理查該匪等經此次兩路截
剿之後由張三坪一路漏夜潛逃賊勢大形窘

蹙

臣

長齡由後界坪跟蹤追剿

臣

全保由擂鼓

臺顧住西南截擊孫清元吉林泰亦已抄出賊
之東北由苟家坪一帶迎頭兜剿現在三路官
兵已成犄角之勢並探報德楞泰大兵尙在川

楚大寧巫山交界一帶剿捕賊匪臣等惟有盡

心竭力層層逼剿務期於德楞泰未到之先迅

速集事若德楞泰指日將川界餘匪掃除淨盡

統兵來楚聲威益壯更可四路截擊掃蕩餘氛

奏入

上命軍機大臣傳諭德楞泰吳熊光全保長齡曰王
曾股匪與崔樊戴各逆合夥竄擾經全保長齡督

率將弁分路截剿此次先後殲擒賊匪雖共計有
五百餘人官兵陣亡者亦復不少殊屬萬分不值
披閱之下深爲憫惜該將弁等爭先衝擊奮不顧
身所敘情形目不忍覩其打仗出力已可概見唯
賊匪經我兵兩路截剿之後向張三坪一路潛逃
訊據獲犯供稱各該逆合夥一處手下頭人尙多
且俱是樊人傑在內管事該匪係積年著名首逆

日久稽誅不可不亟行剿捕現在全保長齡孫清
元三路官兵已成犄角之勢務當併力一心將樊
人傑及各股夥匪卽在本境一律剿除萬不可以
驅逼出境遂爲了事如能將樊人傑擒獲或臨陣
殲斃卽係吳熊光全保長齡等之大功朕必重加
恩賞勉之望之所有守備陸世元與賊格鬪身受
矛傷十六處黑龍江水手營四品官霍隆武直前

衝敵連斃數賊均屬奮勇陸世元著卽以都司陞
用霍隆武著卽以三品陞用都司鄧洪領德素木
奈前鋒校委官伍綢阿在賊隊中衝殺亦屬奮勉
俱著以應陞之缺陞用總兵德昌副將孫應奉俱
屬出力著交部議敘其射死賊目之軍功李貴著
賞給八品頂戴如業已得有頂戴著加等陞賞總
兵王懋賞身先士卒爲國捐軀實爲可惜著各部

賜卹其餘打仗陣亡之塔津保皂祿烏爾公保常
羣鄒宗夔張建業賈龍圖謝貴均著咨卹賜卹胥
泗起黑達色周長泰方雲超倪聯清等摺內稱滾
崖跌死傷亡尙未明晰如查明均已跌斃俱著照
陣亡例咨部賜卹至德楞泰現辦川東之賊原不
責令帶兵赴楚督同籌辦但王曾等股或因被剿
緊急復思乘間逃入川省德楞泰務當預派鎮將

前往迎頭截剿與楚省官兵兩面夾擊以期一鼓殲淨斷不可任其深入川東地界致干咎戾

二十三日甲子吳熊光奏言臣探聞陳逆已竄近

房縣邊界一入九道梁等處山深林密辦理又形棘手且恐全保長齡得信已遲未能抄前截剿臣當卽飛調鄖均一帶駐守之副將蔣觀濤遊擊德祿帶領官兵連夜由房縣進發詎陳逆

知有官兵攔截又聞長齡已回興山不敢下竄
遂向南面老林晝夜狂奔折回巫山之東西寨
木瓜溪一帶並據興山令朱宗騰稟報王曾等
股本欲窺伺宜昌見東路有撫臣等帶兵截擊
復由水月寺西竄折回興山高良坪適長齡帶
領官兵於初十日趕至黃連坪卽於是夜挑帶
兵勇分路進發直抵高良坪賊匪均在民房熟

睡長齡察其無備督令兵勇分投放火賊匪驚
醒衝出立時殺斃一百四十五人被火燒斃者
不計其數其餘各處民房屯聚之賊聞信四散
奔逃官兵沿途追殺又斬獲一百五十餘名箭
斃戴四之軍師楊茂林殺死尙三老掌櫃生擒
尙掌櫃並崔宗和之弟崔元四及頭目矛手五
十四名散出被裹難民甚多搶獲旗幟器械騾

馬無數並據守備鄧興相稟報川陝竄入竹谿
境內零匪合爲一股約三四百人於初八日竄
至竹谿之黑溪溝地方該守備督率把總張朝
鳴首領熊應魁等各帶鄉勇分路進擊賊匪據
守山梁負嵎抗拒各鄉勇奮力直撲斃賊五十
餘名生擒舒代仁等二十七名奪獲賊旗長矛
鳥鎗甚多餘匪遁入溝口老林現仍趕緊搜捕

並將舒代仁等解送前來

臣

親提查訊據舒代

仁供稱係四川人向隨龍紹周充當旗手屢在

川陝湖北打仗殺人上年龍紹周被官兵打散

後我同旗手黃李二姓帶百餘人逃走總在川

陝老林往來藏匿又將各股逃散零匪隨路收

集現在又有四百餘人從陝省老林翻山纔到

竹谿地方在黑溪溝住紮被官兵拏住等語當

同積憤矛手陳光榮等十二名一併正法其餘
丁全桂等十四名訊係被擄良民各予省釋查
近日賊匪畏懼索倫吉林馬兵弓箭總恃老林
爲窟穴不敢直趨平地惟以忽分忽合爲牽掣
官兵之計因見楚省大兵向日俱緊顧東北往
往故作東趨之勢引誘官兵東下該匪等輒乘
隙狂奔臣已疊次密寄全保長齡並諄飭各鎮

將務宜分路前進探明賊蹤直前進擊奏入

上命軍機大臣傳諭吳熊光曰現在所剿賊匪雖俱
係敗殘餘孽而其中有樊人傑在賊營管事該匪
係積年著名首逆最爲狡猾可惡亟須認真迅速
搜捕吳熊光當轉催全保長齡等迅速剿辦如能
將樊人傑擒獲或臨陣殲斃固屬全保長齡等之
功而吳熊光調度有方其功自亦不小必當一體

重加懋賞至摺內稱川陝竄入竹谿境內零匪合
爲一股約有三四百人經守備鄧興相等分路進
擊薄有斬獲遁入老林此種零匪向在川陝老林
往來藏匿地方官未能查察稟報隨時搜緝以致
春融後紛紛竄出恐湖北界內老林潛伏之賊似
此者尙復不少朕節經降旨令川陝楚地方大員
各辦本境之賊以專責成非如從前聽候經畧調

度者可比吳熊光係湖北總督管轄兵馬所有一切剿賊機宜惟在吳熊光與全保長齡等悉心熟籌臨時酌辦昨全保一路總兵王懋賞等同時陣亡十四人恐帶兵之員現不敷用吳熊光統轄兩省或咨商王柄於湖南鎮協營弁中遴選勇幹之員前赴湖北軍營聽候調撥若楚省兵力尙覺不足亦應於湖南各營就近酌調增添不可存惜費

之見如足資剿捕卽可無庸檄調也

二十五日

丙寅

額勒登保奏言查苟逆股匪由陳

家河西老君嶺竄至辛峪口經惠齡長麟所派

都司德克精額帶領兵勇在峪外嚴緊堵截該

匪仍折向東趨由清水河一帶老林逃遁有東

竄田峪澇峪之勢

臣

仍率師折向東發連日由

石塔寺獅子壩東嶽殿四畝地魚洞子一帶依

山傍林攢程而進探蹤迎擊現又接據探報薛
大烈等一路官兵由虎豹河金鼎甲澇峪一帶
截賊北竄於十二日趕至秋磨菴遇賊接仗得
有斬獲因山險林密限於地勢未能痛剿賊匪
竄向東北欲趨田峪該一帶有惠齡長麟帶兵
防堵該逆不敢竄去卽向南竄至光頭山一帶
薛大烈帶兵從八面坡兩耶緊躡追剿

臣一面

飛探賊匪趨向一面酌派兵勇於西面之裏巢
一帶不動聲息設伏以待并札催薛大烈等速
將該匪驅逼出山一俟該匪竄出老林則較之
山內剿辦易於得力東面高關太平峪等處有
楊遇春楊芳官兵無慮該匪東遁至宋逆零匪
一二百人又聞與苟逆分驍現在盤屋之東峪
河厚畛子一帶潛匿

臣

仍專責慶溥率同叅將

吳亨衍趕緊剿辦至楊遇春自赴孝義一帶截

剿劉逆後臣於十二日接據報稱初三日帶兵

由北河進發探得該匪由仙人溝向黑虎廟東

竄楊遇春等卽由沙嶺一帶僭程抄截該匪聞

風折向西遁初四日趕至乾峽子追及接仗該

匪始尙憑高抗拒我軍奮力攻擊四散潰逃當

卽緊躡追剿共殺賊三十八名生擒三十三名

查看該匪只有二百數十人楊遇春當將所獲
賊犯訊明從逆日久者正法其附近被脅者釋
放仍卽帶兵探蹤緊追現又探得該匪由太平
峪西竄楊遇春由高關八里坪一帶兜剿總兵
楊芳亦趕至紙坊均在賊匪之東東面亦可無
慮臣正在籌辦間據道員劉清稟報本月初四
日探得賊匪一股有三百人由南廣交界之趙

貴河竄至鐵廠坪劉清一面飭令辦理團練之
典史猶啟祚等傳集寨勇遏賊西竄及遁入老
林之路一面親率鄉勇趕抵楊家壩派令軍功
李仕玉等率領鄉勇並新勇四百餘名連夜潛
赴白崖山伏住俟天明時從上壓下又派軍功
王宗夏捐職千總李樹勛等率勇三百餘名潛
赴五方坪設伏以備夾擊初八日黎明軍功李

仕玉等帶領鄉勇大聲吶喊從山上直趨鐵廠
坪附近各寨勇亦鎗礮齊發賊匪猝不及備向
五方坪奔逃軍功王宗夏等伏勇齊出該匪折
向五女山奔逃猶啟祥亦帶領團勇趕到該匪
等無路逃遁鄉勇等奮力圍殺經軍功趙文相
新勇傅明德將首逆李彬生擒新勇李元受將
辛聰之弟辛文生擒又有僞先鋒尹貴曹世璉

劉玉藩唐仕武等數名悉經新勇鮮其受王思勤李朝方等生獲共殺斃一百六十餘名臨陣投出大小男婦七十八名餘匪逃出無多現仍

趕緊搜捕以期淨盡

臣

查李彬係緊要渠魁率

領餘黨二三千人於川境一帶肆行竄擾實屬

罪大惡極

臣

自去歲十月以後督師將該逆股

內頭目餘黨斬獲淨盡惟該逆尙未就縛殊爲

可恨茲臣詢問劉清差來投稟鄉勇據稱此次

所剿係各股內打散後又經奏集之人李彬僅

帶領數人歸入縣內並詢以李彬年貌與臣向

日詢查李彬年歲形狀俱屬相符且該逆股內

本有投出之人在劉清處充當新勇均已確認

不爽是所獲實係李彬要犯無疑至辛聰本有

胞弟辛文一人堂弟辛斗一人辛文前在寧河

時分帶數十人另自逃竄亦係緊要巨惡茲幸
仰仗

天威均經按名生致並斬獲賊目餘匪殆盡實足以
彰

國憲而快人心劉清於辦理剿撫事務實心實力屢
著勤勞自在

聖鑒其擒獲李彬之新勇趙文相傳明德拏獲辛文

之新勇李元受臨陣擒渠實屬真心出力應懇

恩賞戴藍翎

臣

現於賞需項下撥銀二千五百兩發

交劉清傳宣

恩旨賞給趙文相傳明德銀各五百兩李元受銀三百兩尙餘一千二百兩除酌賞擒獲僞先鋒等之鄉勇外再均勻分賞出力各勇以仰副

皇上鼓勵戎行優加獎賞至意其李彬辛文二犯該

道解往巴州

臣

飭令詳訊供詞錄報卽行凌遲

處死梟首示衆所有此次投出之人仍卽妥爲

安插又據穆克登布稟報近又撥派將弁兵勇

於安康一帶山林內搜獲賊匪十數名殺斃十

餘人內有脾頭邢貴一名總兵喜明近亦在平

利之兩溪一帶殺賊十數人生擒五人仍係上

次所剿戴家營分股之賊

臣

飭將所獲各犯正

法仍令探聽川楚邊境賊蹤趕緊截剿奏入

上命軍機大臣傳諭額勒登保德楞泰勒保曰此次擒獲首逆李彬等係屬劉清之功已另降諭旨加恩至所稱苟逆一股經官兵連日追剿南竄光頭山一帶札催薛大烈等將該匪驅逐出山剿辦易於爲力等語苟逆等竄匿老林兵力固難施展但一經轟逼出山若各峪口防堵不嚴致令闌入平

原其勢又必散漫且山內艱於覓食難以裹脅而平原到處可以擄掠總當在老林以外各峪口內就地截剿方可得手前曾降旨令各督撫責成地方文武員弁遇賊匪在境內竄匿隨時認真搜緝分別勸懲今四川道員劉清所帶祇係鄉勇並無官兵能將首逆李彬及辛文擒獲得邀獎賞可見地方官果能認真團勇實力偵捕竄匪自無從漏

網地方官皆當以劉清爲法如能獲賊立功朕必從優陞賞現在川省新勇有從賊隊中投出之人如陝省亦有從賊中投出者果能幫同出力亦當一體加恩著額勒登保德楞泰勒保等通飭地方文武共知感奮齊心滅賊並將新勇投出効力一體加恩之處遍行曉諭但賊黨聞之爭先投出於剿撫更爲有益

上諭內閣曰額勒登保奏道員劉清生擒首逆李彬
及辛聰之弟辛文李彬前曾在川肆行竄擾自上
年十月內額勒登保督師將逆匪夥黨斬獲淨盡
而李彬一犯窮蹙潛逃未經就縛日久又復合夥
成股茲道員劉清探得賊匪由南廣竄至鐵廠坪
地方卽親率鄉勇連夜潛赴白崖山等處設伏賊
匪猝不及蒲伏兵齊出奮力兜圍殲斃一百六十

餘名經新勇趙文相等將首逆李彬等同時生獲
所辦甚好劉清著加按察使銜並賞戴花翎仍賞
給玉喜字搬指大小荷包用昭優獎新勇趙文相
等俱陣陣擒渠頗爲出力除額勒登保已分賞銀
兩外趙文相傅明德李元受並著加恩賞戴藍翎
以示鼓勵

二十六日

丁卯

全保長齡奏言查王會樊戴暨崔

宗和各逆經臣長齡在高良坪乘夜襲剿之後

不擇路徑翻山越嶺漏夜遁逃其大隊賊衆由

店子壩奔竄白蠟坪旋轉東北又分出三百餘

人在西南山內滋擾希圖牽綴官兵臣長齡由

歇馬河取道重馬二坪跟蹤追擊每日擒殺數

名至一二十名不等沿途散出被擄難民甚多

均各隨時妥爲安插總兵孫清元吉林泰由白

菓園樹功坪抄道截剿沿途亦有斬獲

臣

全保

由水月寺播鼓臺顧住西南兜擊以絕賊匪旁
折房保之路並順道搜剿分竄股匪十五日行
次黃連坪探得該匪分竄坦峪河查該處山徑
險仄樹林稠密馬匹難行當派副將李天林等
帶領官弁兵勇連夜步行攀援進剿黎明將抵
坦峪河該匪聞有官兵迅卽起營戕兵跟蹤追

殺鎗擊箭射立斃賊匪四五十人賊卽飛奔珍珠寨山溝內緣路徑窄狹亂石層疊該匪翻山堽竄走經興山縣知縣朱宗鵬帶團練寨勇首領趙傑等窺探賊匪竄近寨下卽率領寨民施放鎗礮滾木插石斃賊三十餘名內有首逆樊人傑之弟樊二亦被擊死賊衆奪路由珍珠寨山堽衝出驍騎校黑格抄小道迎攔身受矛傷

陣亡官兵追殺二十餘里沿途斃賊三十餘名
生擒朱國書王譚氏等二十五名口奪獲旗幟
刀矛拋棄包裹無數散出被擄男婦九十餘名
所剩不過四五十人四散扒山逃竄隨將獲犯
解營訊出探馬頭朱國書大旗手姜尙智魏升
等據供前在高良坪屯紮晚間被官兵殺來樊
人傑戴四掌櫃與王曾元帥同路翻山逃走我

等隨樊二掌櫃被官兵衝散連日找尋走至坦
峪河翻山奔跑不料被寨上攔住去路樊二掌
櫃上前衝路被鎗礮打死矛子手亦傷折二三
十人大衆將樊二掌櫃屍身燒化樊二掌櫃是
樊人傑之弟樊人傑埋名隱姓令伊弟替管營
務衆人稱爲二掌櫃等供當將該三犯立行轍
割訊明被擄難民彭蘭王譚氏等十名口概予

寧釋其正賊矛手余貴等十二犯一併正法

臣

全保卽迎探王曾各逆大隊賊衆適接總督吳
熊光飛咨陳逆股匪竄擾七連坪冷盤壩一帶
無兵跟剿該處與房竹在在可通若再向東北
奔竄卽可至均穀所關甚重且二竹邊界緊連
陝川大寧平利亦有餘匪零星竄入令

臣

等酌

量情形先分一人帶領官兵卽赴西路專辦陳

逆伏查王會樊戴崔各逆叠經官兵截剿之後
其勢已形渙散日漸窘蹙

臣

長齡已赴東路與

孫清元吉林泰等分路剿辦一經得手即可夾

擊集事

臣

全保現抵涼風垭相隔西路較近查

二竹房縣西南北三面緊接川陝現在平利大
寧餘匪翻越老林竄入邊界雖有遊擊敖世俊
守備鄧興相帶領兵勇在彼搜捕恐不足恃且

川東巫山界上賊股不一皆在卡外游奕

臣等

節次飛飭興巴各卡嚴密堵截現聞叅贊德楞

泰抄赴東路向西邊剿恐該匪折竄大寧因思

房竹南面之陰條嶺等處悉與大寧毗連爲賊

匪往來熟徑自應

臣

全保趕赴西路一面剿辦

陳逆股匪並偵探川陝餘孽竄近邊界隨時相

機堵截庶免顧此失彼

臣

全保卽於十八日督

同總兵德昌由公平榛子樹嶺兼程迎探進剿

臣

長齡督同孫清元吉林泰等分路專剿王會

各逆查樊人傑之弟樊二與該逆同惡相濟日

久稽誅今經官兵追至珍珠寨寨首趙傑等知

有官兵追擊協力迎攔得以殲斃亦足以快人

心是樊人傑去其羽翼其勢已孤諒不難卽就

殲擒該寨首趙傑等五名圍集義勇協力堵截

實屬出力可嘉臣全保護將

恩頒銀牌各賞給一面並賞給趙傑等軍功頂戴又
曉諭伊等如能殲擒首逆必當奏請

聖恩賞給官職趙傑等俱各欣悅叩謝而去奏入

上命軍機大臣傳諭吳熊光全保長齡曰此次王曾

樊戴崔宗和等逆經長齡在高良坪襲剿之後其

大隊奔竄白蠟坪又分出三百多人在西南山內

滋擾全保派副將李天林等緊躡進剿賊匪竄至
珍珠寨山溝經興山縣知縣朱宗騰團練寨勇首
領趙傑等探知賊蹤率領寨民施放鎗礮殲戮一
百餘人并將樊人傑之弟樊二掌櫃擊斃餘匪殲
除殆盡此俱係興山縣朱宗騰及寨勇首領趙傑
等之功朱宗騰著賞給同知銜遇有相當之缺陞
補寨勇首領趙傑該撫等業已賞給軍功頂戴著

再加恩賞戴藍翎并賞銀一百兩以示獎勵昨據
額勒登保奏四川道員劉清督率新勇趙廷相等
將首逆李彬及辛聰之弟辛文擒獲業將劉清加
按察使銜賞戴花翎新勇趙廷相等賞戴藍翎并
賞給銀兩今湖北知縣朱宗騰鄉勇趙傑又能殺
賊立功可見地方官果能認真團勇隨處堵截賊
匪自無難殲獲但閱摺內稱趙傑等知有官兵追

擊協力迎攔等語是該寨首等若不見官兵緊蹣
亦未必敢下寨迎攔而官兵若無鄉勇在前遏截
則賊匪早經逃逸安能趕上痛加殲戮總在官兵
鄉勇互相策應聯爲一氣方能得手現在該縣及
鄉勇所擊斃者僅係樊人傑之弟尙如此施恩若
能將樊人傑擒獲不論何人更應立加重賞著該
督等通行曉諭俾地方文武兵民等咸知感勵奮

勉圖功此時全保帶同總兵德昌前往西面房竹
一帶專剿陳逆股匪并偵探川陝餘孽竄入邊界
隨時堵截其王曾樊戴崔合夥之賊著專交長齡
督同孫清元吉林泰趕緊剿辦此次搜剿殆盡者
所不過分股之賊其大股匪衆尙未痛剿且首逆
樊人傑現在賊營管事尤須及早殲擒勿任免脫
但不可專注首逆置餘匪於不問總須聯文武官

及兵勇寨民爲一氣同心協力必能迅速成功也
勉之所有殺賊陣亡之驍騎校黑格著各部賜卹